

皇清文穎續編

皇清文頴續編卷七十三

詩

七言古詩

聖駕六巡江浙詩

梁國治

清蹕三千里韶華百二春

古稀天子盛六度

記南巡

記陳時邁臨

天

祖宜遲宜速幾先覩昨歲幽風禮薦

禋今斯吳會功歌敘石岸金隄備繕完三江兩浙

膏霑溥萬里源探北極星三疊潮走中川嶼

觀河觀海溯

神堯纘服申疇勤

大禹肇

巡辛未典仍前

六位時乘健法乾

龍光次紀昌辰叶鶴算重周綺甲鯨律轉東風裏車
迴北斗邊開韶迎歲籥諏吉省春田三條通錦市七
萃陳蘭綺芝蓋曉迴翔青旗風旖旎河山紫甸寬
畢衛黃圖指黃圖紫甸路初遙趙北燕南凍欲消月
窟雲波千萬頃朱欄翠檻十三橋鏤塋玉雪抽寒麥
拂水黃金碗柳條藩部送

鑾歸候雁從臣行橐換豐貂向南風日迎人煥大東

山勢排空矗平原曲陸近

神閭嶽色河聲橫地軸雲起千層玉檢封烟浮九點
峯螺沐昌平

闕里祀孺星吉日良辰值仲丁詩禮堂開新薦俎金
絲壁古萃遺經

宮牆數仞靈蒼秀左紐千章古檜青清陽

鴻號徵疏化太白遺篇訪大庭泮池碧藻

鸞旗茂聖水泉林

翠葆停蒙沂下指江南路春波滑笏長橋渡青野三
湖直北來黃流九曲從東注南陽復昭陽楊莊接李
莊生資魚稻利家住水雲鄉河復從三堡波活到六
塘

經營紆翠輦

安福駕飛航

御艫春水如天上清黃交處平如掌瀾迴二月看桃
花風輕五兩浮蘭橈雲梯關外舊支渠河伯祠前新

額榜架木爲龍逼溜趨奔流如馬防沙長清口東歸
墟陶莊滙尾閭洪湖澄淼淼高堰屹齟齬雉堞陵隄
岸龍驤引舳艫化平三版險蓄計九年餘前番

臨幸紆

籌畫繼長增高功倍昔三秋竹箭已安流六堡甃工
都易石千萬頻聞少府捐祔京屢報窪田獲泥丸五
壩閉重關水誌高低量一尺淮海古揚州笙歌邳水
溝燕城花市早鹽浦雪山浮夜月詩敲杜清風蹟記

歐白塔塔前寺紅橋橋外舟紅橋白塔都清勝牙橋
錦纜紛涵映風香人影逐飛花水榭珠簾夾明鏡潮
沒何曾到竹西招提自昔名蓮性大觀堂對冶春時
重寧寺祝

蕃釐慶瓜步城河一棹通江天

行殿勢崢空一峯浮玉臨雲翠五色祥輪湧日紅鐘
梵西津煙樹合樓船北府水軍雄西津北府南徐國
棲猿瘞鶴焦先宅寺裏山藏太古雲江連海濶長天

碧蘇米北軒遊孫劉算山策亭亭多景樓渺渺平江
驛平江水驛接梁谿鶴步灘頭綠滿隄銅井新茶煎
雪乳錫山寒水浸玻璃

賜來漁隱溪山卷爲補筠籟

御筆題吳山花信早茂苑草痕齊吳閶茂苑繁都會
獅林虎阜停

軒蓋三尺潭空劍氣衝千人石古雲蘿繪雪海香尋
鄧尉深馳煙驛晒凡夫最靈巖

殿瞰具區寬支硯翠滴包山外日月雙池應規矩東
南巨浸環襟帶鴛鴦湖上沐

恩多煙雨樓前許載歌鹽官一自鹽倉築海國長恬
海若波魚鱗塘鼉鼉貝齒石陂陀魚鱗貝齒緣江滸
南圻北漲安桑土船載雲根泛海來椿攢鐵版埋沙
挂

巽命爲蘄輦久長水衡那蘄工艱鉅新工接越范公
塘直抵烏龍萬丈強更護重門留捍禦不煩強弩射

錢王作

廟風雲通戶牖

登臨瀛渤敞堂皇鳳舞復龍飛餘杭秀色圍烟波呈
麗藻

雲日賁光輝湖山到處邀

天筆雨晴七日蒙

留蹕潭月峯雲幾淡濃雪橋風港都明瑟三生七葉

話杭州

寓物流觀過不留京口三山遇信宿長干十里望

來遊樓霞秀削寒峯骨花雨繽紛古石頭石頭雙關

遙相對南朝遺寺論千載勝蹟猶傳觀象臺餘蹤見

說雞鳴埭白下峭帆升黃樓接岸平雲龍尋昔址戲

馬想雄稱梁洪謾訝三千仞甃石新添十七層隄並

韓山橫蜿蜒城移下沛築登登伊河入運口轉漕通

齊右舟行百丈牽牕放千檣陡四月鷗波翦翦蒲一

雙鷺候青青柳浮橋德水倚晴虹登陸燕山迎馬首

馬首烟嵐到薊門薰風殿閣敞

西園

啟鑾燕九燈宵過

旋軫清和麥浪翻

帝車臨處

恩綸煥

行廬披牘

丹臺判十行

詔下敬騰黃積賦全蠲新貸半權免商徵逮竈場漕
分庾供留河岸初加月餉徧行營又廣庠員思樂泮
奉

勅頒將大府金承

恩捧出齊紈燦百歲頭銜領司業羣英奏賦掄中翰
嘉惠洽

天人名香禮

百神五流空貫索三命錫華紳此日民情真皞皞此

時

天語倍諄諄陸館水營仍舊貫燈棚綵帳戒侈陳就
瞻依戀情三載約束森嚴

令五申輕裝減騎駸駸夾道焚香藹藹親

雨露豈教遺一物絲毫端不累斯民

勤民體物垂

清問提綱挈要因

心運

省方隨

輦待觀風法

祖敬

天欽

立訓

家法人和政肅中興情夏諺幽風近課雨量晴

帝曰咨

登山賦海日千詩卷開

五集初函冠

韻疊前巡六琯吹繡黼星雲藻銀鈎碧落禪擎來篇
絡繹繪出景恬熙自從四庫評流暑

中天冊府青霄嶠

帝謂人文萃兩江

詔於名勝開三閣望氣斗牛分餘光奎壁文名山飛
畫棟福地鎖香芸誰能十年讀笑借一綈紛寫待薈
薇露藏教艾納薰祕書綠字人觀海插架連牀樹拂

雲

成功已見

文章煥吉語欣從奏牘聞奏陳

行在

天顏霽雲仍肇喜

詩篇製華封從艷祝三多軒裔何曾見五世

慶逾姬媵衍韶春

祥協孫桐添閏歲

福壽如天應次躔歡歌動地環與衛興衛停時

法宴陪使臣遙

觀日南來

四言屏翰重萬里

榜題開親瞻

寶字星雲纓益駿

天聲宇宙恢禮成

錫羨光三五

皇儀帝則超隆古何如軒駕訪崆峒何如妣后銘嶠
嶠西師昔

凱旋南服今

仁普乃武乃文

聖集成

曰明日敬

皇多祐江鄉越諺復吳飲

蹕路前歌還後舞競道今年勝往年五年中幸兩瞻

天微臣得請重歸省聽取謳謠下里傳日忝
行帷侍恭承

詔旨宣敬隨百職事拜獻

六巡篇

聖駕六巡江浙詩

朱珪

乾隆四十九年春

詔下江浙

帝六巡觀河奠海兩大政法

聖祖法勤兆民午門夙候

芝鳳發辰旂初

駐涿鹿轅四蕃匡衛飲拒馬

六御引翼從振麟紫淵沙渟趙北淀紅杏文映河間

彬北畿千里

賜復早東山二月迎

鑿新靈巖靈兆地肺奧長清長卜

天符信

叶

岱雲望秩籲膚寸泉林洞酌觀沍淪遂諏

仲丁

詣闕里釋奠

孔子虔

躬親九拜

升堂絳龍卷大昕徵鼓鳴敵饒旃摩宰樹楷檜紐禮
格觀堵洙泗斷

道隆合節揆

先聖行濬辟靡聆於論問官底事就郊國注經猶許

稱鄭神周爰齊魯生嘽嘽

省方吳楚耕昀昀龍泉不數拔山力虹橋長鎮駱馬
齋昂星飛精河刻玉支祁靜鎖川吐巘

象瑜迺邇達黃岸鵠舸沛艾來淮濱水誌分寸定壬
午陶莊疏引記丙申厥有成績伏秋汎用答

嘉佑馮夷禋瀉鹵牢盆開廣斥高原禾麥滋殖瑾王
孫磯邊漁滿留太傅隄外湖多葦邢溝中春花事蔓
平山萬樹梅笑所五臺北來逕香阜九龍南

蹕臨高旻凌江快擊木蘭楫浮玉晴浴扶桑輪中流
半酣涉焦固絕頂一覽空蒜銀品題中冷第一水

指麾組練三千初潤常風物遞圖畫練瀉演漾無纖
塵達節尚題季子碣艤舟且訪東坡留名泉汲惠園
怡暢聽松補

錫僧知悛揭來東南大都會喜動士女摩衫巾通門
十六幘圍葑巍峯八九排吳岷石鼓巖嶷

葩瑤盪玉蘂照耀魑文彪梅梁金鼎五潢氣支硯寒

山千尺霧天半萬笏翠搢珽華巖億个青浮筠哇膝
杭稻正蘆蒨池苑魚藻娛頽莘嘉禾錯壤秋再熟煙
雨極目春無垠三眠比屋收甕醃十畝接葉啼鴉鴈
石門左達海已並金隄北築工初竣時當月望交壯
夫潮來日午聲雷震江行噫咽激而上海勢汗漫難
爲堙壘爭龕赭怒萬馬岸刷寧紹挾兩甄迤北平沙
防墊隘其南列嶂多嶙峋

疇咨獨斷有成竹

遠猶奚啻勞屬薪鳩僦自可鑿山骨鹽倉已見隄魚
鱗差池漸受要坦水峭削壁立寒齒屑近柴遠石中
實土根深本固無裂負跋履下壩審地防默祈
上絳旋天鈞四千丈更接范埭五百萬豈惜帑緡吳
儂安居樂井井

聖謨播告言諄諄錢塘漫誇強弩射

禹載到處天吳馴湖山窈窕迓

臨幸淡濃晴雨宜笑顰大觀七寶俯寶月榮鏡明聖

啟聖因六橋紅灼錦障豔萬頃綠淨春波皺靈隱竅
石自琴筑雲棲逕竹尤輪囷南北高峯插牛斗上下
中竺驂鸞輿

觀壽望江溯三折

閩武撤漩練七閩摻舟慣捷願爲鸛善泅齊汨手不
龜非惟吳歛風足採亦有甌粵詩能陳祝

釐億萬壽

天子福耆百四星老人

賞吟勝景數倍十攀援

華蓋未及旬塘棲一夜足靈雨蓑笠徧野同耕悖維
暮之春閏月吉自蘇旋

駕山塘遵再棹新豐泊京口將

幸建業由江潯攝山直上最高處下睇江國盤蜎蟪
燕磯平臨三面峻一晒天塹非險礧鯨鏗好夏報恩
塔龍蟠還奠前王窰牛首倒影雙闕屹石城右顧於
菟蹲瞥眼六朝割疆場不見三箭留城闔

帝車所指會有極安南使者告至麋遠荒慕

德解蹈舞廣奏

錫宴隨冠紳棲霞重登寶華挾龍潭送喜掣電駢

古稀萬歲川至始元孫五世螽斯振歡臚中外得未

有福賅今古誰能倫金山留宿風靜鐸揚州盈月光

鋪茵高堰增庠石旣甃天然引水濬勿湮下安淮甸

輦高寶上治徐野滙豫秦荆山橋通微獨導汶龍口

醴南北勻伊昨灑澹憑

睿畫卽今櫬楫厪

周詢經過甫白長歌地輻湊水陸平原津蠲供減賦
徧五省資幣

賜級

恩諸臣文瀾宗滙閣分建江浙東西才可掄千篇奏
御官甲等羣老祝

報數亥身弟子增員整衿佩軍士挾纊驩饒錚肆赦
流就滌瑕眚

加惠商竈均富貧

恩施稠疊

大號渙頒禱游豫

皇來頻習祥更企

時巡五誌盛肇舉重光辛

載歌六疊詩萬首盡發乾祕摠坤珍

神謨

天闡示孫子

帝典

手著欽臣鄰金川洗兵馘小醜伊犁振槁獲大磨收
拔達山回部闢辨北極石河源真機宜神速妙剛決
事有持久非需屯爲民興建期必世乘時利用無淹
辰

無私覆載咸在宥

教儉風俗還醴淳八紘恢恢

綱獨握

萬幾日日光嚮宸歸格

臨軒策多士卜禋

方濶嚴

齋宸

明理權衡在心鏡敬

天對越惟恭寅日雨日暘至誠感四和四極於穆純

臣初扈從職記注今拜

恩擢書

絲綸祇憑槃燭規兩曜不差葵藿晞大椿謹以見聞
紀

聖政

皇哉廣運歌

堯仁

聖駕六巡江浙詩

謹序

董誥

皇上御極之四十有九載歲次閏逢執徐俯

俞江浙臣民之請正月丁未六舉巡典繇畿甸詣

孔林歷齊魯吳越諸郡自彭城

迴軫懷柔東南允翁河海

臣獲廬

屬車伏讀

御製南巡記恭繹敬

天明理宜遲莫速之義而知我

皇上大觀在上有孚惠心尤有合於久道化成之肯
也自古吳越稱澤國而河海號巨浸庚子歲

臨視鹽官審地勢辨筭椿營建魚鱗石塘三千九百

丈有奇至是葺績

皇上飭授善後事宜培護鞏固又

命自范公塘至省城一律改建石工爲萬年牧寧之
計河渠則於高堰之三堡六堡暨徐城之韓山
奎山並培厚增高改營石堰溯自蘭陽新隄告
成以後大河導歸故道疏尾閭杜漏卮宅軌恬
瀾悉本

睿謨之諄示也若乃

沛德音敷惠澤

蹕路所經舊賦新租蠲免至數百萬計吏秩晉庠額

增卒伍卹商稅逋耆年引耆罪矜汪濊

湛恩鴻龐布濩

觀文之化推暨東南式啟三閣藏弄四庫圖書

命大吏毋靳繕錄嘉惠士林至夫侯牧覲

顏疇咨訓飭考驗所行茅茹輿情雨暘函報

厯懷宵旰溢於吟編維時

天心錫慶滋至疊申

皇元孫毓瑞徵符飛章送

喜一堂

五世光啟雲仍鳬趨鱗集之儔僉謂

古稀天子生民以來未有之德必得生民以來未有
之慶騰軌百王戢禧九寓淵哉懿乎而

皇上且斂福宅虛崇儉示度

申飭首塗勿事靡飾供帳侍備勿侈勿增千乘萬騎

屬櫜負簡之臣毋擾閭閻毋蹂麥禾仰惟

聖祖六巡加惠南國先後同揆彼詩書所載又何足

稱焉

臣

不揣固陋謹擬柏梁體詩百六十韻上

呈

乙覽

臣

不勝悚戢歡忭之至其詞曰

古稀天子承

昊慶敬明夙夜敕幾康幬載覃及下土方

武功文治咸滂濇

眷茲河海環南疆要資鬻剔兼宣防斯事體大功非常

睿謨五度指示詳勤求宵旰食不遑欽惟

聖祖垂衣裳六飛六度

巡江鄉觀民繩

武敬益獲歲惟執徐春載陽

鑾輿雷動遵周行駕龍十二齊騰驤節過燕九韶序
昌那須火樹駢珠光華鐙麗綵戒勿張道經闕里瞻

宮牆

肅泣灌瓚升瑄薌聲容九奏諧東廂

恩推支庶膏流滂羣川脈絡網在綱沈濟汶泗沂淮
黃大河襟帶兗豫揚洪流漲洩清口鑲醴渠繼引開
陶莊翠螭折溜天中央鉅工溯葢青龍岡高堰次第
增陂障從伊入運開砂礪銜尾漕舳行連檣金隄計
里槩絜量星羅堡卡遙相望

安艫天上黃鵠翔澄漪鏡淨流泱泱迎

鑿土庶行助勦鳬連鷺序蘭蕙纓廣陵風土羅浩穰
大觀璇額顏書堂

訓聞民我垂煌煌春江爛漫錦繡粧梅花如雪飛霰
零金焦山迴波湯湯雲天

精義詮芴芒岷山禹導斯濫觴崑侖源溯同河湟風
日晴送舟沙棠

龍舩迅渡逾驪驪聽松韻事傳茶槍竹爐泉淪蟹眼
湯清風不數中濡嘗烟雲

天繪留禪房俯綴凡墨增慙惶清嘉風土俗允臧紅
猗繁杏綠映菖觴簫春陌呼餽餽獅林虎阜歌鏘洋
吉驄

親御攬玉環

溫顏咫尺觀熙攘南湖烟雨臨渺茫村蠶隴麥垂雲
涼殊榮兩度聯賡颺清芬遺繪呈琳瑯中和宣布傳
王襄妙墨寧數圖蒼筤賢母令子兼擅場柳家斂手
推芽薑

天題寵錫還篋囊永令嘉話留榆枋尖山

俯覽波雷琅紫瀾萬里迴溟滄宛紅引首玉截肪魚
鱗疊石高鹽倉雲蟠山仡馬勒韁

臨觀益庶民如傷五百萬出太府藏范隄接築潁錢
塘程功五載期勿忙留薪填土勢頡頏重門拱護羅
堂皇南埒仰

顚瀾迴狂新陰稊柳連柔桑聖湖嵐秀翠
析泉聲
松嶺清詩腸林蘇高韻遙相當駢珠疊玉

天吟鏘辨才遺蹟尋風篁深谷彷彿探簣當幽禽林
樾清嘽吭

小仗拂翠枝撐塘

麾旋耄齒依悃將甕城新港開菰蔣清流東迤如滄
浪商舟士舫從鳴根便民

肇錫葦可杭龍編貢使虔梯航

帷宮瞻謁將承筐獻詩詎數漢白狼歸捧

珠榜輝南燭河流蜿蜒彭城旁綿絡淮汴聯蕭碭並

山堅築千丈強巫支祁鑠鼉鼉梁崇祠

肅奠椒桂漿殷爲萬姓申祈禳成山嶽立新城隍家
飫饘粥欣徜徉迴幹元氣無羸疴瓦盆浸種畦分秧
閭閻拜謝

閩澤滂春膏浥潤同滅汪

聖人貽謀垂仙潢

翠華左右承趨跄

幹軒喜送爪跂祥慶聯

五世寶祚長驪臚北幕與西羌史牒不數古帝王下
惟六人傳芬芳

大德必得契

昊蒼瑞符迴軼麟與鳳寰瀛中外

飭表彰休徵盛事登嚴廊我

皇仁育兼包荒追租

賜復儲倉箱不惜百萬緡逋糧昔年鏐帛感激昂下
逮竈戶兼饑商匪直肆售矜析楊我

皇文教煥斗匡三閣蔚起我博博天香芸薶堆書牀
菰蘆下士鈔元霜手胼胝沫窺縹緗春容雅頌諧珩
璜鳳池薇省歌奉璋增廣員額充膠庠我

皇肄武欽趙趙旌門申閱韎韐裝醇風舊俗

諭勿忘我

皇察吏立表坊籤名

帳殿凜對敷簪裾鱗集璵璠瑤

天厨飫食鼓笙簧

訓飭侯牧敦循良

繼念列郡籌雨暘東南秔稻北黍粱我

皇恭儉侔虞唐行宮華擯飾壁璫七萃隱麟民不妨
葩瑤宛宛鈴缺缺旬周百廿回

天闔巽風申布湛露灑依葵三載興願償展義紀實
摘

宸章寶訓式型金玉相扈隨

豹尾心彷徨高探

帝製欽秤磅矢音俯愧齊寒蜚衢歌臚紀春風香

臨雍講學詩

謹序

德保

伏讀詩魯頌小序云泮水頌僖公能修泮宮也
夫泮宮諸侯之制不足以擬辟雍然魯侯廓模
閎規導泗於泮鸞旂莅止維時臣工猶以穆穆
明明爲頌焉欽惟我

皇上御寓五十年仁治道豐

朝熙門穆萬國粲宴九有光昭崇

聖以布治尊學以右文特於太學創建辟雍厥功

肇成

大典斯舉仲春禋祀

龍輶輶臨演繹

孔猷垂示

天哲將將乎煌煌乎瞻薰鬻而聆磬鈞者萬萬而羣

億億而興也白虎通德論曰辟雍所以行禮樂

宣德化也韓詩說曰辟雍者天子之學所以教

天下是以

聖人運洪鈞乎

皇極開

元模以軌物明象立制圖水成璧非所謂天地同節
輝烈光燭者歟顧

京師太學自元明以來辟雍規制咸闕或以古者

太學在郊在郊則引水易近世太學在國在國

則引水難也

臣

謹考之於大雅鑄京辟雍夫辟

雍繫以鎬京則京國之中古有辟雍明矣迺又
考之於王制註殷太學在郊周太學在國中夫
國中旣立太學則辟雍亦必建於國中矣然則
旋邱環璧卽國中當自有引水之方焉奚必越
郊垆縈廣澤始足規沼矩臺修古宏化耶

皇上相度成均廣利井養嘉文教之宣鬯美王道之
周流足正澤宮在郊之異議聿勅明堂外水之
崇基垂

憲勒

文烏奕往代後漢書載顯宗駕臨辟雍士人鵞集儀
度式昭史策相傳連蹕唐宋然未若我

皇上景祚協太初之元

玉牒蕃

五世之盛均禧黎老而

慈惠布行慶朝野而

天賚周久道化成備臻懋美參制古籍闢址上庠符

以德圓行之象闡觀天察地之神登歌省成

辰旒肅

御

帝訓光乎五典鴻儀耀乎三雍臣備員秩宗職司邦

禮竦誠襄事稽典承

謨謹撰七言古詩一章拜手稽首以獻其詞曰

睿圖作極光鴻基握符統紐持瑤璣法乾行健增

福紀日新不已絳昌期軌儀

至聖景元德崇儒道在尊

先師圖書亮章義博奧以

聖傳

聖交相資覃敷

文命先太學三德三行垂

國彛成均古稱五帝制辟雍名肇殷周時名以制定
期質實取辟有德符前規東京辟雍雖締造與學異
處滋經疑孰如我

后徵石紀翼宮博敞審地宜曰古辟雍重五學明堂
月令存其詞靈臺靈囿昔同構觀天理化敷洪施禮
本於古期勿闕汝臣率作其奮摛何必郊庠始通澤
井列可緣縈清漪武王宅鎬學在國辟雍肇造徵諸
詩於郊於國制無異瓊源長注成珍池法天象璧奉
經式節觀行教昭

皇儀因地宣流易程力順時而動考厥司岩堯

紫殿儼嶽立繚垣煜見鉤陳垂修梁跨巨準水臬四

方園聽周天維慶成刊石賁

謨典日星垂耀光九達上丁元辰肅祀事

鑾輓親詣陳明齋大昕鼓徵列羣彥繼世華胄羅文
綦

聖堂臨御欽

日表十華笈啟騰龍螭講臣侍

幄聆經義羣言衷

聖理不移多士舒翹望光采學市紛集咏且嘻橋門

洞達流

帝澤

恩隆典鉅承榮滋

聖皇醲化久彌洽延洪錫羨瞻

堯曦首持泰柄永勤恭道全德備猶孜孜閱千百載
如一日義年昊歲同登隋

一堂備集

五葉盛本支百世傳來茲

龍孫抱

孫

帝萬壽福以德致臻神奇恰值大衍書鳳紀堯衢肇
壤時同推

家祥

國瑞均盛美

恩綸廣播四海彌祇承靈貺申類告瑄薌載薦神宴
嬉

皇流溥博漑百族塗歌邑誦情熙怡晨暉疊旦衍昌
運司命益壽珍符披典紹

皇祖布

膏澤上正錫宴隆英耆國老幡幡拜且舞連延庶老
相追隨泚泚者衆盈所欲浸沐元氣年不衰福瀛廣
博永庥命崇術立教歌咸綏自求伊祐由典學辟雍
鍾鼓傳西岐王者臨蒞類非一春秋以序升馨粢合
舞合樂事異輟釋奠釋菜等有差立學創始儀特重

皮弁將祭承嘉禧

哲后經營濬圓沼祥源浚照涵

聖涯豐功旣輯告

先聖暉緝茂矩凝蕃釐禮和樂舉

睿文炤綜述道奧六藝摛烏集鱗萃盛觀聽

惠液滲漉靡有遺騰華照寓景馨烈寶錄駢美時純

熙勒崇垂鴻傳萬嗣化光玉鏡侔姚嬀

皇上八旬萬壽恭紀

阿肅

天眷

皇清甲八維奕葉

聖

聖昌重熙我

皇纘緒光慶基卓蹤冠德軒昊義

法宮高拱衣裳垂上式乾穹下坤儀照以日月三無
私惟

天祚

聖蕃錫釐祥符顯慶鍾

壽祺惟

聖法

天懋緝熙健行一氣日萬幾五十五載垂于斯龐洪
閭澤漸瀛裨下及跂喙蠖而飛泳游醴化含甘滋土
章之干奄茂支六合和會際

昌期籲行

慶典申忻情

帝曰俞哉衆所祈予茲與爾均祥禧孟陬之月貞攝
提九天誅蕩開闔扉煌煌

丹詔宣綸絲露膏湛渥璫霄霏

元功溥博參神施九州則壤正賦規二十八百萬有
奇嘉爾亞旅力耘耔耕鑿順則無他歧普蠲與衆同
豐綬

壽考作人髦士宜芃芃棫樸薪爓之沐浴

教澤逾芬菲邇者

臨雍開

講帷釋奠釋菜衷惟寅園橋聽觀從祁祁特科甲乙
增兩闔弧南斗北光陸離騶得路鴻漸達旣登仕
版崇級資偶有瑕玷亦湔澌

推恩錫類封且馳

龍章螭篆蟠躩踞五花藻采紛葳蕤杖朝杖國榮耆
耆三千叟宴錯履綦壽星往往越期頤膠庠老宿龐
其眉昨黎恬養胥齒覲闔門貞壽傳蘭幃和氣所浹

歲歡怡一堂五代森孝慈少勤洗腆老含飴可封之
俗戶相比

頒以銀粟旌門楣

恩波普汜無一遺柔化旣洽英聲蜚璜璜

武義遠邇彌威弧朔昔清西陲

皇耆其武張六師萬全之策發疇咨赫然

天斷決羣疑

廟謨協吉卜與蓍露布曉出天戈揮捷書夜報軍烽

馳凱奏入塞聲涼伊沙磧繩橋平不崎亦粵金川性
詭隨自外仁字怙而毗

天子有命將往治桓桓虎旅搜麋麋凋破柵及朝
炊機槍掃蕩無嶮巖邊疆狼莠旣剪剗二萬餘里歸
藩籬區畫經界如布棋雪山屯戍均畚鍤撫制可操
三尺箠遠洗甲兵天漢涯壯士倒載包虎皮繪圖
紫閣賞有差

駿功偉烈銘豐碑殊方慕義咸招攜康居烏秣族昌

彰重三譯語通嗚咿敏關納責闕駟輜西來天馬精
權奇葡萄蒟醬盛以緋九華七采間琉璃蕃樂色色
轟龜茲東耀扶桑西崦嵫南逾交趾古珠厓蛾伏膜
拜趨京畿六詔徼外國旄犂多羅之葉金表齎赤磨
蕃落氓蚩蚩欣然受吏占祥颶遵王道路由坦夷鴻
臚典
覲班魚麗舌人賜饗酣醴醢奇樂角觝觀且嬉襲我
冠帶樂透迤猗歟盛哉古所稀

帝曰

昊蒼實相台宜以成功告

神

祇風整

龍駕雲駟東巡泰山躋厓屨

齋宮蠲潔詣壇壝燔柴植璧虔牲犧

鑾輅重臨洙泗涓式瞻車服儼瑰琦正學昌明日月

犧

省方問俗舊典稽視民如已溺已飢塞防發帑數不
貲禹跡所至胼以胝九山旣奠澤旣陂春郊布穀和
鳴鸛鳴原隰安耕耨嘉禾垂穎麥秀畦陌上懿筐
日遲遲民情纖悉俱周知玉衡稱量金壺灑淪浹骨
髓及膚肌薰風解阜

茂對時

琳琅萬首

奎章題安安

文思如無爲

竄聰典學樂不疲

審裁親秉四庫披百川浩瀚文瀾漪定禮修樂詳鼎
彝諧聲依永授諸夔中和鐘磬合笙簴如聞大章聽
咸池天和出虛蒸菌芝元氣真治人心脾八千之秋
少昊司金莖玉露斟天卮重輪復旦星雲輝

天潢五葉蕃金枝彬彬濟濟盈

彤墀千官待漏晨光熹魚龍百戲陳坳螭翹瞻

聖人天日姿拜手稽首前致詞我

皇洪算與天齊

皇曰予惟日孜孜撫茲泰運益保持敬

天勤民

祖訓詒

拳拳宵旰鑄琳琪

建極斂錫範闡箕無逸作所語佩姬庶徵之八

念在茲用答

鴻貺康黔黎仰承

祖武長繩其

臣

殷頌禱心傾葵天窺以管海測蠡柏

梁之體辭竊摛天保雅材敢企而長言聊作

堯衢詩

聖駕東巡祇謁

祖陵恭紀

謹序

恩普

臣

竊惟帝運之興筴占山瑞山者宣也應也王

氣必有所宣神應必有所應伊古已然闡祀先

王先公曰天作曰帝省嘉頌哀著說經家指其
山爲歧陽然而時邁禮喬嶽般什美陟山皆既
揄揚曷如我

朝以長白爲長發始基足以耀神穹而彰景祚者
臣
往歲奉

命祭告長白例于溫德亨山望祀欣獲瞻仰升黝其
時富釐繁藹慶雲亘霄四極八紘咸覩庶瑞茲

恭逢

皇上御極十年啟

鑾輅詣

陪都謁

祖陵鞏固

神臯肅申

吉饗山之靈兮

祖之貺兮

國之祚兮

皇帝之孝誠兮典莫盛焉禮莫隆焉臣弗克趨扈

屬車景矚依嚮忭詎言喻顧是山也上蠱震維下
俯坤軸跨碣石屏盤閭天光摩盪地脉演衍蟠
固於億萬斯年瑞應無疆形家奉爲祖峯

帝室欽爲

祖基允足以槩規模之大者豈特非尋常巘原之比
抑亦非岐封開祚八百所得專美焉謹闡其義
爲詩以獻詩曰

長白山高高插天萬山之祖靈蜿蜒乾苞坤絡運元氣

龍興福地何巍然西來一幹一千里上應天文亘箕尾納魯窩集太古雲蘇克素護仙源水一峯案衍羣峯朝一山逶迤三山高八方環拱尊

啟運

天柱

隆業聯名巖

臣

昔恭承

皇帝命封山望秩瞻形勝

萬世長爲

天子家

祖

宗澤衍

來昆聖頌詩載頌初生民山頂闔門潭瀉春

天男作主俄朶里

神母凌空佛庫倫三姓輿歸設盟誓

真人御世真靈異此是

皇朝

初祖初

曼珠師利大皇帝數傳

肇祖爰肇基西行直發殲仇師呼蘭哈達煙岡據赫圖阿拉橫甸移蹶生

太祖森天表十三鐵甲靖紛擾尼堪外蘭亟宵遁鄂爾果尼悉驚倒葉赫哈達暨輝發北連錫伯卦勒察

訥殷烏拉珠舍哩科爾沁部一旅拔

申明七恨告

上蒼古呼城邊

武孔揚四路摧枯奮

天討三軍賈勇算明亡開闢鴻蒙滿洲字蒙古源流
國書制定武垂文啟駿龐黃白紅藍四旗置界藩撫
順謀造攻

四貝勒稱我

太宗子弟親兵列左右薩爾濟戰千秋雄雪衣行獵
軍事暇山木河陂算無價小度遼陽又濟陽七十餘
城跪迎

駕崩業未竟繼業難

天命

天聰付託艱直指青城張

御幄先登龍井下巖關師薄燕京勢全勝巴克什書
和議定棄而弗取古誰能得國無如我

朝正我

朝鴻運本

天開建號大清

郊築臺察哈爾齋符寶至高句驪捧賀箋來明兵屢
挫降人獻忽集援軍撼寧遠連擊松山次杏山大破

驍雄十三萬想像

軒皇教陣圖至今

弓劍示前謨馬上似喧旗奏捷

龍升遙望鼎成湖
臣聞祭畢宗周典後代朝陵具文
踐惟有

皇清

家法貽孝思一本

心傳行在昔

聖祖三巡東

陵風水嶠龍從抱壁鱗鱗隄石白繚牆面面樹椿

紅亦越

世宗在藩邸曾隨

車駕親瞻禮迄我

高宗四度臨丕顯丕承篤

佑啟

永陵寶鼎神榆敷

福陵輝山錦屏扶

昭陵東西鬱相望大白小白麒麟趨從來水木思所

報

列聖英靈闕

原廟獨憶

高宗親愛深二十年前通

默告告以今

皇仁孝誠告以今

皇位祿各願臻福壽

天釐迓克守宗祏

祖業宏丙辰

禪政勤

訓政孺慕無忘愼聰聽迴溯當年扈

輦行川原慙攬東都盛十載而來歲月遒每逢霜露

感

松楸三省已銷兵氣淨

兩京時切

祖恩酬爰以今秋事

巡謁肅肅關山斗車發一路

龍旂出老邊
薊門煙帶遼城月
先入

興京後

盛京粉鄉又喜

聖人迎

四隧蒸嘗殷大饗

兩邱昭穆肅陪塋
禮成更睇山河固
樽桑一片雲凝
處百神朝拱

帝閭開

冕旒

旌旒靈來去幽有館兮
鄴有宮霽雲抱珥義輪紅

參寶舊曾藏

太室齋房一一茁芝叢
載啟八門雙闕聳

文德

武功大清奉對越

壇圻呼吸通鼎新

堂構朝家重地天泰運協

清寧

萬福之源寶額升五日

故宮廡茅土千秋

法物覓棟燈

受朝爰乃崇政御麟采輝煌公姓助之屏之翰維蕃
垣式飲式食式燕譽四十九旗王子依朝鮮臣琿价
人歸天上酬金叨徧

賜海邦珠勝拜

親揮從官多少承

恩者躬侍吾

皇策鞍馬普頒爵級隨等差是日獎勞兼恤下今秋
莊稼普豐稷旗民各各歡壺漿養老閒邀百歲問蠲
租饒積一年糧武有袴衣把弓箭文有青衿橐筆硯
塗間擁雪頒官鴈馬前獻頌賚官絹下逮園室屏履
徒昆蟲草木一時蘇要使民風淳且樂茅檐雀鼠自
今無來時共奏迎

鑾曲一遊一豫

天顏矚記取

恩膏在

詔書

六龍又送迴鑾肅榆葉蕭蕭翻九秋柳條依依罨關頭萬錦毛羣大麥收三千犀甲澄海樓

聖人作詩詩言思

四巡吟卷都能記

聖人作頌美形容

善繼誠惟

善述

事僕指剛逾兩月程言旋取道

謁

東陵景仰

廟謨繩武孝告虔

宗祏

奉先聲敷天遠洽歡聲播

大禮重光端

黼座受

天之祐

萬斯年

萬壽無疆四方賀

聖駕巡幸淀津詩

謹序

陳希曾

聖清受命奕葉重光今

皇帝甄靈貺致泰平格天漏泉蒸雲濡露罄輪裳而
秉朔浹海寓以馳風蓋十有三年於茲矣然猶
戰戰兢兢日慎一日以蒼生爲念不以

宵旰爲勞以

康濟爲心不以府庫爲避每歲修河防裕宿逋施賑
貸洋洋乎若

德史不勝紀往者天漢之津北流經途穆笛偶吹媧
灰旋畫以培以護以休以息元氣迺復萬性晏

11-11-11

12

1

天

慶賞遂行罔不周洽蒸髦士給軍裝眷百齡免半俸
卹離賈惠鰥寡從臣以敘失職以聞閒罪以寘
國典也當夫乘素虬泛畫鷁

周覽列原如圖如繪其時造膝親臣守土大吏左右
翊衛咸請

指授

天子曰嘻大夫不聞乎夫水波而上搖而下者也故
治三輔之水當由淀始淀之名見魏都賦猶南

之稱湖上喻桑乾谷子牙宜分清刷濁也下通
漕渠控引衛白宜疏直河輦石閘也長隄格隄
障也大沽小沽壑也孰淤孰徙或瀉或緒廓而
清之引而洩之瀹而通之隔以啟閉之柳葦以
固之下不壅上不濫夫如是吾民其何患羣公
卿士迺儼然造曰

陛下竄聰明籌溝洫拯下民之莫契

上帝之仁乾符坤珍理與數協不休哉此

聖主之明德而

皇畿萬萬世無疆之利也雖古神聖奚以加茲

天子方齎乎以思瞿然以惕

謂予何功維我

高宗純皇帝五巡茲土經營相度盡神盡利用能海

不揚波民無失職汝諸臣其益孜孜贊贊以承

保厥功庶幾六府修而三階平也斯舉也上以

續治水營田之

聖緒次以

飭修防導瀆之諸司下以慰就

日瞻

雲之兆姓臻清晏之瑞納福祿之林

景爍洪庥煌煌乎與

天無極矣

臣

職列亞卿躬逢

昌運際茲

屬車所至俗易風移採閭巷之歡謠聆輿髦之嘉頌

一時珥筆諸臣靡不欣躍舞蹈歌詠

至德以曜

國家隆茂之庥臣愚無似竊製柏梁體詩一章章

一百二十韻敬就睹聞所及

聲教所漸狀

魏煥之難名徵

緝熙之至善以揚

帝德輝光於萬一云爾敢拜手稽首以獻其詞曰

聖德跨厲溟與嵩

勤民不羨云云封戎亭卧鼓邊銷烽

至仁究物昭龐洪綿區飲化登時雍人曰已治

帝益恭曷敢暇豫居

九重一夫不獲心忡忡惟勤

清問恢

宸聰析津地當南北衝七十二澱皆朝宗恒衛旣作
大陸從神禹治冀先成功山川奠後巡重瞳允猶翁

河周頌中先聖

後聖將毋同

帝迺戒塗咨司空郵亭儲峙無須供非登岳麓非崆峒

聖人勵政親劭農永承

燕翼恢鎬艷惟事事備基無窮陽晁發鯨鏗金鏞聲
曳長庚鳶揭撞行漏抱刻聲玲瓏

玉輅結綬引紅絨左右扶翊侯與公扶桑麗景暉高

春遲遲銅葉輪芙蓉八尺之表六尺倚郵籤記途轡
瓏璁佳哉燕郊氣鬱葱葱雲花雨飛牕櫳甘露曉降
橋山松仰溯

前謨觀

劍弓廣樂九奏聲彤彤

祭告旣罷揚金鑾

南苑帳殿何穹窿短蕪淺水調花驄萬年枝暖鳴鶻
鷂沙龍綠覆花瓏鬆維柞之枝葉蓬蓬式臨高衍看

崕嶮外門虎落開三閤伏飛有力真如猱圖文之班
班起貔或私或獻皆敬共聿修武備嗤射熊紫泉

啟蹕春光融桃花柳花夾路穠棧以竹名亭以樓十
吟譜入朱絲桐燕南趙北波鴻溶沽渝濡涖滋洙通
漁磯石梁圖畫工晴湖光湧朝曛曛祥烟蓊鬱盪心
胸

安福艫放吉祥風苕牽翠帶蒲生葦中亭十望懸雲
淙列壩連棧陂偃虹下赴直沽歸於東隱天樓閣青

葱龍垂楊繞

殿春惺忪零雨桑田歌邶邶津門沃衍圍高墉水營
弭節修我戎靈潮音送鼙鼓逢海鯨那敢吹氛祲

一人祉福包函蒙中嚴外辦官給饗

燕饗雅奏音淪淪五聲之和感頑聾登臺望遠雲溟
濛大海一碧摩青銅中間廟島浮孤峯天吳蜺象逃
無蹤但有拜舞朝魚龍蘆田平曠分橫縱巨蠓曉曝
晴陽紅一莊一灘必

親躬口講指畫勞

宸衷支祁默鎖神效忠虬蟬曷敢金隄攻田無沙淤
川毋壅永慶安瀾成厥終

華文煥爛碑穹隆報以辛犢加黃琮從此澤畔無飛
鴻菰蔣魚蟹蒲稗豐麥曰雨岐禾曰穰舳舨上班
國賦充世登太上民空伺出作入息無惰慵渾忘
帝力安愚憊惟聞土鼓擊夔夔鳧鷖豈惟歌在濠
德音無遺接非葑菰蘆操管求絳繡許從

清鑾鳴嚶嚶

皇心愷豫波冲融升我髦士如

臨雖

皇恩况復春膏醲地與比訾天比崇蠲宿逋外減租
庸延頸舉踵何喁喁扶鳩父老騎竹童士女夾道爭
昌丰鵲尾爐熱香烟濃山呼

萬歲由歡悰時和物阜愉

天容

宸吟振響訇華鐘古今囊括乾坤籠

紫庭晨露誰爭雄

禮成肅穆歸

法宮淵塞勅幾親睽矇圖成無逸樂

辟離景星有爛卿雲叢億千萬載叨

帡幪

聖壽無疆承

昊穹